

長相思 丹戎敦白塔懷古(並序)

/ Dr Wong Ning Bew

丁亥初夏，余與景華兄嫂同訪丹戎敦燈塔¹，追懷維新壯士康有為²之遺跡。俯瞰馬六甲海峽³，憑弔遠古戰場。昔日腥濤血浪，此刻不再。花草交映，蜂蝶窺香；碧波蕩漾，煙水迷茫。見海天之一色，思霞鷺之齊飛。勝地一遊，疑非塵世。浩浩乎，千里之遙指隙間；悠悠乎，百年之跡海角尋。白塔訴往事，薰風醉遊人。感慨之餘，與景華兄共撰此詞。

風也香，露也香
漫步叢林望汪洋
目斷雲霓上

塔如霜，鷹高翔
維新熱血灑宮牆⁴
天涯悼國殤

1. 丹戎敦, Tanjung Tuan, 位於馬來半島之西南端，其燈塔立於臨海之懸崖上。

2. 康有為(1858-1927)，近代思想家、文學家。維新派領袖。一八九八年「戊戌變法」失敗後，流亡海外躲避災難。

3. 馬六甲海峽，位於馬來半島與蘇門答臘島之間，連接太平洋與印度洋之重要海上通道。

4. 維新變法失敗，六君子遇害，血灑宮牆。